

元世祖皇帝封號清淨淵貞順德真人

武宗皇帝加封清淨淵貞玄虛順化元君

贊曰離俗超塵探玄究妙鐵板尋真紫羅

靈照九還功就幾載坐忘蓬萊歸路笑倒

丹陽

金蓮正宗仙源像傳

七真年譜

門下夷山李道謙編

致十

宋徽宗政和二年壬辰重陽祖師生於是年

十二月二十二日按北平王梓所撰傳云全

真祖師王嘉字知明號重陽子京兆咸陽人

世以貧產著姓後遷終南縣劉蔣村其母感

異夢而姓及二十有四月乃生始名中孚字

允卿自稚不群既長美鬚眉軀幹雄偉志個

儻不拘小節弱冠修進士業係京兆學籍善

於屬文才思敏捷嘗解試一路之士然頗喜

弓馬金天卷初乃慨然應武畧易名世雄字

德威後入道改稱今名字焉仍以宮風自呼

之

政和三年癸巳重陽祖師二歲

政和四年甲午重陽祖師三歲

政和五年乙未重陽祖師四歲

政和六年丙申重陽祖師五歲

政和七年丁酉重陽祖師六歲

重和元年戊戌重陽祖師七歲

宣和元年己亥重陽祖師八歲此年正月初

五日清淨孫仙姑生於寧海州

宣和二年庚子重陽祖師九歲

宣和三年辛丑重陽祖師十歲

宣和四年壬寅重陽祖師年十一

宣和五年癸卯重陽祖師年十二是年三月

初一日長真諱真人生於寧海州始名玉

字伯玉五月二十日丹陽馬真人生於寧

海今之降仙坊按傳初名從義字宜甫本

關中扶風人五代兵亂遷海上

宣和六年甲辰重陽祖師年十三

宣和七年乙巳重陽祖師年十四

欽宗靖康元年丙午重陽祖師年十五

金太宗天會五年丁未重陽祖師年十六

天會六年戊申重陽祖師年十七其年長真

真人六歲按密國公撰真人碑云六歲因

戲墮於井人急下救之見公安生水上隨

挈而出

天會七年己酉重陽祖師年十八

天會八年庚戌重陽祖師年十九

天會九年辛亥重陽祖師年二十

天會十年壬子重陽祖師年二十一

天會十一年癸丑重陽祖師年二十二

天會十二年甲寅重陽祖師年二十三

天會十三年乙卯重陽祖師年二十四

天會十四年丙辰重陽祖師年二十五

天會十五年丁巳重陽祖師年二十六此年

長真真人年十五窰國公作真人碑云公

十有五歲而志于學其葡萄篇已贈多人

口

天春元年戊午重陽祖師年二十七按傳天

春初應試武舉易名世雄字德威

天春二年己未重陽祖師年二十八

天春三年庚申重陽祖師年二十九正月初

三日廣寧郝真人生於寧海州初名昇字

則未聞也

皇統元年辛酉重陽祖師年三十

皇統二年壬戌重陽祖師年三十一其年三

月十八日玉陽王真人生於寧海州

皇統三年癸亥重陽祖師年三十二

皇統四年甲子重陽祖師年三十三

皇統五年乙丑重陽祖師年三十四

皇統六年丙寅重陽祖師年三十五

皇統七年丁卯重陽祖師年三十六七月十

二日長生劉真人生於東萊之武官莊

皇統八年戊辰重陽祖師年三十七是年正

月十九日長春丘真人生於登州棲霞縣

之濱都玉陽真人年七歲按真人靈光集

自序云余七歲遇東華帝君於空中警覺

不令昏昧

海陵天德元年己巳重陽祖師年三十八

天德二年庚午重陽祖師年三十九

天德三年辛未重陽祖師年四十

天德四年壬申重陽祖師年四十一

貞元元年癸酉重陽祖師年四十二

貞元二年甲戌重陽祖師年四十三

貞元三年乙亥重陽祖師年四十四

正隆元年丙子重陽祖師年四十五

正隆二年丁丑重陽祖師年四十六

正隆三年戊寅重陽祖師年四十七

正隆四年己卯重陽祖師年四十八此年六

月望日師飲酒於終南甘河鎮會二仙人

被髮披氎而年貌同一其人徐曰此子可

教因授以口訣故師遇真詩云四句八上

始遭逢口訣傳來便有功其所遇者純陽

呂真君也

正隆五年庚辰重陽祖師年四十九中秋日

師於醴泉縣再遇真仙傳秘語五篇且曰

速去東海投譚捉馬已而真仙忽失所在

世宗大定元年辛巳重陽祖師年五十於終

南南時村墾墳文餘封高數尺以活死人

目之坐於墓中又於四隅各植海棠一株

人問其故答曰吾將來使四海教風為一

家耳

大定二年壬午重陽祖師年五十一是年生

活死人墓中

大定三年癸未重陽祖師年五十二秋填活

死人墓遷劉蔣村結茅與玉蟾和公靈陽

李公三人同居即今之祖庭重陽萬壽宮

也

大定四年甲申重陽祖師年五十三師金真

集自序云余嘗從甘河携酒一葫欲歸庵道逢一先生叫云害風肯與我酒喫否余與之先生一引而盡却令余以葫取河水余取得水授與先生先生復授余令余飲之乃仙耐也又曰子識劉海蟾否余曰但嘗見畫像耳先生笑之而去

大定五年乙酉重陽祖師年五十四是年於終南上清太平宮壁上書云害風害風舊病發壽命不過五十八兩箇先生決定來一靈真性成搜刷

大定六年丙戌重陽祖師年五十五是歲於長安深村呂道人庵壁書云地肺重陽子呼為王害風來時長日月去後任西東作伴雲和水為鄰虛與空一靈真性在不與衆心同此年長春真人年一十九棄俗入

道居崑崙山

大定七年丁亥重陽祖師年五十六於四月二十六日將劉蔣村茅庵自焚之婆娑舞於火邊人問答茅庵燒了事休休決有人人却要修是日宿甘河鎮辭衆曰余東海

捉馬去五月過北却山上清宮題其壁云丘譚王風捉馬劉崑崙崑崙頂上打玉毬你還般在雲海內贏得三千八百籌至今石刻猶在閏七月十八日抵寧海州會丹陽真人洎高巨才邀師於范明叔怡老亭九月

長春真人自崑崙山來謁祖師于全真庵請為弟子祖師訓名處機字通密號長春子仍贈之以詩祖師又於廣寧真人卦肆前背坐感發之廣寧從至朝元觀祖師授以口訣及以二詞付之祖師於十月一日

就丹陽宅內鎖門居環百日為期約五日一食化丹陽夫婦是冬長真人就環內出家祖師訓名處端字通正號長真子時四十五歲矣

大定八年戊子重陽祖師年五十七正月初十日出環分梨十化單二月初八丹陽真人出家祖師訓名鉅字玄寶號丹陽子時年四十六是日玉陽真人自牛仙山來願為門弟子祖師訓名處一時年二十七二月晦日祖師挈丹陽長真長春玉陽入崑

崑崙山石門口開煙霞洞居之三月廣寧真人來崑崙崑崙山出家祖師訓名璘號恬然子時二十九歲八月祖師挈五真人自煙霞洞遷居文登縣姜實庵立七寶會

大定九年己丑重陽祖師年五十八春玉陽真人辭祖師隱居查山四月祖師引丹陽長真長春廣寧遷居寧海州金蓮堂途中至龍泉以所執傘柄內盛食陽子號乘風而起至查山玉陽公前墮地蓋賜公之號也重午日孫仙姑詣金蓮堂出家祖師訓

名不二號清淨散人時年五十一六月廣寧真人辭祖師亦居查山八月祖師立金蓮會九月詣登州福山縣立三光會於蓬萊立玉華會是月祖師領丹陽長真長春西至萊州化長生真人出家訓名處玄字

通妙號長生子時年二十三十月於掖縣立平等會是月挈四子至汴梁寓磁器王氏掖中

大定十年庚寅重陽祖師於正月初四日召丹陽長真長春立於榻下時長生遁去曰

丹陽已得道長真已知道吾無慮矣處機
所學一聽丹陽處玄長真當管領之吾今
赴師真之約耳丹陽請留頌師曰吾已書
於長安深村呂仙處矣今日授汝言訖而
逝是年閏五月於正月十一日始立春是
止五十八歲矣四子盡禮權瘞于孟宗獻
之花圃既而丹陽真人率三友入關謁和
李二真人于終南太平宮會史處厚于京
兆劉通微嚴處常于終南二真人乃祖師
之友三子亦祖師之弟子也

大定十一年辛卯丹陽真人年四十九是年
與三友居劉蔣祖庵修治葬所十月廣寧
真人入關乞食于京兆府

大定十二年壬辰丹陽真人年五十春於長
安化自然錢率三友復往汴梁遷祖師仙
柩西歸葬于劉蔣村祖庵九月廣寧真人
西遊岐山偶得名大通字太古號廣寧子
大定十三年癸巳丹陽真人年五十一是年
四師劉蔣居喪守墳六月廣寧真人度大
慶關東歸

大定十四年甲午丹陽真人年五十二二月
廣寧真人至真定默坐于朝天門外八月
丹陽長真生長春於鄆縣春渡鎮真武
廟月夜共坐各言其志丹陽謂貧長真謂
是長生關志長春謂關異旦乃別丹陽劉

蔣居環長真居洛陽朝元宮長生居洛陽
市土地廟長春西入磻溪事見金玉集

大定十五年乙未丹陽真人年五十三是年
長真真人乞食於磁州二祖鎮過一妾人
岐落二齒市人共怒之欲明於官真人吐
之而去二月廣寧真人坐沃州石橋下夏
清淨散人入關致祭祖庭既而出關居洛
陽風仙姑洞

大定十六年丙申丹陽真人年五十四長真
真人此歲游歷洛州居白家灘六月廣
寧真人夜夢神人復授易之大義既寤明
朝揮三十三圖事見太古集

大定十七年丁酉丹陽真人五十五長真真
人行化於高唐縣與茶肆具六書龜蛇字
曰可置之壁間以鎮火災是年縣城大火

唯茶肆乃免

大定十八年戊戌丹陽真人年五十六於八
月一日劉蔣出環西游隴山華亭行化長
生真人是年遷洛城東北雲溪洞居之門
徒日集鑿三井洞

大定十九年己亥丹陽真人年五十七二月
十五日於華亭縣挈李大乘同居環百日
至八月遷隴州佑德觀居環十一月十八
日出環宿勾兜僅化解元李子和出家長
真真人游歷衛州獲嘉縣府君廟居之

大定二十年庚子丹陽真人年五十八是年
春京兆章臺街趙遠家施宅為庵請真人
居環八月二十四日長安僚庶請祈雨真
人作詩期以二十五日雨足至期果應死
金玉集長真真人西游同州居西里庵長
春真人自磻溪遷居隴州龍門山

大定二十一年辛丑丹陽真人年五十九四
月初於鄆縣劉蔣村張朝散竹園庵內居
環中元日作黃錄離罷復歸祖庵長真真
人居華陰縣純陽洞長生真人東歸萊州

大定二十二年壬寅丹陽真人年六十此年

四月東歸寧海十二月行化文登漁戶焚

網者甚眾初八日海市見于南海之上士

人以詩慶之長生真人居武官建庵注道

德黃庭等經秋玉陽真人來寧海謁丹陽

真人同宿於金蓮堂廣寧真人居真定府

陞堂演道聽眾常數百人十二月二十九

日清淨孫仙姑外仙于洛陽年六十四矣

大定二十三年癸卯丹陽真人年六十一四

月行化芝陽下元日文登作醮祖師現於

空際白龜之上丹陽於十二月二十二日

外仙於萊陽縣遊仙宮長生玉陽二真人

同主華事守墳百日各歸其隱所

大定二十四年甲辰長生真人年六十二是

年正月十八日長生真人於昌陽縣姜守

淨家作醮巳午間重陽祖師雲冠絳履丹

陽真人三警現於空際絳雲之上五月早

登郡太守請長生真人祈南海市現於竹

島明日丹陽真人現於應仙橋之西北是

日雨足

大定二十五年乙巳長生真人年六十三是

歲四月初一日外仙於洛陽朝元宮其暢

道接物詩詞目曰水雲集行于世

大定二十六年丙午長生真人年四十冬長

春真人下龍門山居終南祖庵

大定二十七年丁未長生真人年四十一是

年十一月十三日玉陽真人奉詔至燕帝

問延生之理師曰惜精全神修身之要端

拱無為治天下之本上待以方外之禮

大定二十八年戊申長生真人年四十二此

年二月長春真人奉詔至闕下十一日聖

旨令主萬春節醮蒙賜中袍四月勅居宮

庵五月十八日召見於長松島七月應制

進詞五首中秋得旨還終南山是月玉陽

真人亦得旨還山十二月上帝豫遣使復

召玉陽真人真人謂使者曰恐不及再覩

天顏矣

大定二十九年己酉長生真人年四十三正

月初三日玉陽真人至都嗣君命真人為

先帝主醮而歸

章宗明昌元年庚戌長生真人年四十四重

午日萊陽縣劉植請玉陽真人齋且以無

嗣告於師師曰公富而好禮不應絕也為

寫四四應真四字明年四月十四而生子

來乞名師曰吾已與名應真矣今日純陽

真君降世辰也

明昌二年辛亥長生真人年四十五是歲十

月長春真人東歸棲霞住太虛觀

明昌三年壬子長生真人年四十六冬十月

長春真人芝陽洞作醮

明昌四年癸丑長生真人年四十七

明昌五年甲寅長生真人年四十八秋九月

長春真人福山縣醮天門開瑞鶴現有詩

見礪溪集

明昌六年乙卯長生真人年四十九

承安元年丙辰長生真人年五十

承安二年丁巳長生真人年五十一六月玉

陽真人被召七月初三日見於便殿賜坐

帝問以養生之道抵某方歸翼日賜體玄

大師號及紫衣勅賜燕都修真崇福二觀

俾真人任便居之月給齋錢二百緡文長
生真人奉召赴闕帝問以至道師曰至道
之要寡嗜慾則身安薄賦歛則國泰帝曰
先生廣成子之言乎勅近侍館穀于天長
觀

承安三年戊午長生真人年五十二應對悉
合上意三月得旨還山勅賜觀額五道曰

靈虛曰太微曰龍翔曰集仙曰妙真令立

觀度人玉陽真人猶居都下春終南呂庵

主至都師為請祖庵為靈虛觀以勅牒付

呂俾知觀事仍以詩送行夏師得旨東歸

侍觀

承安四年己未長生真人年五十三是年長

春真人芝陽作醮

承安五年庚申長生真人年五十四

泰和元年辛酉長生真人年五十五是年遊

廣陵著天道罪福論玉陽真人奉詔詣亳

州太清宮作普天醮有詩見雲光集

泰和二年壬戌長生真人年五十六濱州作

醮有瓊葩玉樹之瑞有詩見盤陽集長春

真人芝陽作醮

泰和三年癸亥長生真人年五十七此年二

月初六日外仙於武官靈虛觀玉陽真人

奉詔詣亳州太清宮作普天醮臨壇度道

士千餘人

泰和四年甲子長春真人年五十七

泰和五年乙丑長春真人年五十八夏五月

萊州醮有瑞鶴綠雲現有詞見礪溪集

泰和六年丙寅長春真人年五十九

泰和七年丁卯長春真人年六十元妃施道

經二藏一驛送樓霞太虛觀一驛送聖水

玉虛觀

泰和八年戊辰長春真人年六十一

大安元年己巳長春真人年六十二是年游

麓山有詩二十首玉陽真人七月十四日

至北京應李承魯參政之請也居華陽觀

是時大旱儉庶告真人兩期真人曰十七

日霑足矣至日果應

大元庚午長春真人年六十三夏玉陽真人

薊州玉田縣醮單謂衆曰北方道氣將回

空中有神明往來刀劍擊觸之象莫非生
靈將受苦耶

大元辛未長春真人年六十四是年東隱召

至燕都及游德興琅山俱有詩見鳴道集

壬申長春真人年六十五是年十二月三十

日廣寧真人外仙于寧海州先天觀春秋

七十三矣

癸酉長春真人年六十六

甲戌長春真人年六十七此年游崑崙煙霞

洞有詩

乙亥長春真人年六十八

丙子長春真人年六十九時居登州金主命

東平監軍王庭玉賚詔召師歸汴京師曰

我循天理而行天使行處無敢違也乃不

起

丁丑長春真人年七十玉陽真人四月二十

三日外仙於聖水玉虛觀時七十六歲矣

戊寅長春真人年七十一

己卯長春真人年七十二居萊州昊天觀是

時齊魯陷宋八月宋主遣使召師不起州

敬謝曰師居此我輩誠有所依師曰吾之
出處非若輩可知也他日恐不能留居此
耳是年五月太祖聖武皇帝自秦蠻圍道
近侍劉仲樸持詔召師十二月仲樸至萊
州

庚辰長春真人年七十三正月自萊州北行
二月至燕都四月官僚請作醮於太極宮
五月至德興府寓龍陽觀八月至宣德州
寓朝元觀

辛巳長春真人年七十四是年五月朔抵陸
局河七月至阿不罕山留宿道安等九人
立樓霞觀中秋日抵金山過白骨旬十一
月至邪迷思干城俱有詩見鳴道集
壬午長春真人年七十五春三月過鐵門達
子行在上設二帳於御爐之東以居之時
問以至道師大畧對以節欲保躬天道好
生惡殺治尚無為清靜之理上悅乃命左
史書諸策其詳見慶會錄西遊記
癸未長春真人年七十六是歲三月七日得
旨東還賜號神仙俾堂管天下道門大小

事務一聽神仙處置他人無得干預宮觀
差役盡行蠲免所在官司常切衛護六月
抵豐州八月至宣德州
甲申長春真人年七十七春二月居緝山秋
陽觀三月燕京官僚請住太極宮是月仙

仗入燕都
乙酉長春真人年七十八秋九月榮感犯尾
宿主燕地灾宣撫王揖請師作醮攘之醮
竟榮感乃退數舍矣

丙戌長春真人年七十九夏五月燕境大旱
僚庶請師作醮雨隨時霑足在都名儒皆
有詩賀之
丁亥長春真人年八十夏大旱在京士庶禱
師作醮師曰我方留意醮事公輩來請所
謂好事不約而同也仍云當備二醮以五
月初一日為祈雨三日為賀雨醮後皆如
師言是月得旨改太極宮為長春宮六月
太液池瀕北口山樵人告於師師笑曰山
樵水枯吾將與之俱乎七月四日師謂門
人曰昔丹陽嘗授記於予云吾歿之後教

門大興四方往往化為道師遺院皆勅賜
名額又嘗持大宮觀仍有使者佩符乘
傳科教門事此汝功名遂歸休之時也
今丹陽師之言一一皆驗吾歸無憾焉九
日登寶玄堂留頌而逝

庚午

十六